

I Urtarrila 2019 I



Urtarrilaren 17an NESI Euskadi sarea Azaro Fundazioaren egoitzan izan zen, Markina-Xemeinen. NESI Euskadi, NESI-Local Hubs nazioarteko sareko partaidea da eta euskal erakundeen arteko elkarlan eta berrikuntza lokarri gisa lan egiten du, pertsonen eta planetaren zerbitzura dagoen eredu ekonomiko baterantz bideratutako transformazio baten alde.

Azaro Fundazioa 2018tik NESI sareko kide da eta bere helburua ekonomia berrietara bideratutako proiektuak bultzatzea da, parte hartzen duten erakundeekin elkarlana eta elkarbanatzea sustatuz, eta ekonomia zirkularraren arloa lehenetsiz.

Azaro Fundazioaren egoitzan egin zen topaketan jorratu ziren gaietako batzuk hauek izan ziren: NESI Euskadiren webgune berria, SC/048 Europako Txostenaren aurkezpena Euskadin, Ekonomia Berriak, Berrikuntza Soziala eta Aldaketari buruzko foroa, Ekonomia Berriak Euskadi 2030 Agendarako erreminta gisa eta etorkizunera begira garrantzia nabarmena eskuratzen ari diren kontsumitzaile eta ekonomia berriak.

NESI Euskaditik datorren apirilaren 24, 25 eta 26an Malagan ospatuko den NESI Forum 2019 ekimenean aktiboki parte hartzeko gonbidapena egiten zaie ekonomia berrien inguruan lan egin nahi duten erakundeei. Hitzordu hau, aurreko (eta lehenengo) edizioan bezalako arrakastatsua izatea espero da, munduko 43 herrialde ezberdinetako 700 pertsonatik gora bildu bait zituen lehenengo edizioak.